




Our Network for Education

**Phau Ntawv Txheem Txheej Rau Cov
Neeg Ua Haujlwm Pab Dawb**

Tsis txhob xav tias ib pab neeg tsawg tsawg uas sib koom siab yuav hloov tsis tau
lub ntiaj teb. Qhov tseeb, tsuas yog tib qho ntawd xwb.

--Margaret Mead





Kev muaj koob muaj npe hauv lub neej tsis muaj feem nrog qhov uas koj kawm tau hauv koj lub neej lossis qho uas koj ua tau rau koj tus kheej. Nws yog qhov uas koj ua pab rau lwm tus.

--Danny Thomas

Zoo siab txais tos thiab ua tsaug rau koj txoj kev pab!

Tuam Tsev Kawm Ntawv Wausau School District vam tias koj txoj kev ua haujlwm pab dawb yuav yog ib txoj muaj nqi thiab zoo. Peb lub zos muaj hmoo uas peb tseem muaj ib cov niamtxiv thiab pem xeeb uas siv lawv lub sijhawm los pab peb cov tub ntxhais kawm ntawv. Koj yog ib tug neeg koom tes tseem ceeb heev rau ib txoj haujlwm hauv peb lub zos uas yog cov qhia peb cov hluas.

Yog vim txoj kev koom tes no peb thiaj tau tsim lub koom haum O.N.E., uas yog Our Network for Education. Qhov program O.N.E. yog ib feem ntawm Tuam Tsev Kawm Ntawv lub homphiaj uas xav tau kev koom tes los ntawm tsev neeg thiab pem xeeb ntawm txoj kev kawm.

Kev pab rau txoj kev koom tes no yog kev tsim phau ntawv txheem txheej no los qhia txog lub luag haujlwm thiab feem xyuam rau cov neeg ua haujlwm pab dawb rau peb lub Tuam Tsev Kawm Ntawv.

Thov nco tias tag nrho cov ntawv fias thiab lwm yam ntaub ntawv nyob rau ntawm Tuam Tsev Kawm Ntawv qho web site uas yog O.N.E. Yog koj muaj lus nug ntxiv lossis xav tau kev pab ntxiv, thov tiv tauj kuv ntawm rhagedor@wausau.k12.wi.us lossis hu 261-0584.

IB tug neeg ua haujlwm pab dawb...IB xub moo...IB hnuv...hloov tau ib tug menyuam lub neej. Ua tsaug duos rau koj lub sijhawm thiab kev koom tes rau peb ib txoj kev pab cuam uas zoo tshaj uas yog peb cov tub ntxhais kawm ntawv!

Roxane Hagedorn
Volunteer & Community Involvement Coordinator

Cov Nqe Lus Tshooj

Peb Kev Cog Lus..... page 3
 Ua Tus Neeg Pab page 4
 Neeg Ua Haujlwm Pab Dawb Cov Dej Num & Txheem Txheej pages 5-7
 Tswm Yim Rau Kev Ua Haujlwm Nrog Menyuum Yaus page 8
 Lus uas Nug Heev page 9
 Xov Tooj Tseem Ceeb page 10

Peb Kev Cog Lus Rau Koj


Tuam Tsev Kawm Ntawv Wausau School District pom tias cov neeg ua haujlwm pab dawb txoj kev pab muaj nqi heev. Vim yog peb pom thiab xav tau kev pab los ntawm peb cov neeg ua haujlwm pab dawb, peb yuav cog lus:

- fwm thiab ua kom saib taus peb cov neeg ua haujlwm pab dawb;
- ua kom kawg kev peev xwm kom cov neeg ua haujlwm pab dawb tau txoj haujlwm uas nws nyiam thiab nws txoj kev txawj;
- npaj thiab muaj ntaub ntawv qhia txog peb cov tsev kawm ntawv, txoj cai, cov neeg ua haujlwm thiab cov xwm txheej;
- yuav txhawb cov neeg ua haujlwm pab dawb kom txog thaum lawv ua lawv txoj haujlwm tiav;
- qhia kom cov neeg ua haujlwm pab dawb totaub thiab paub txog cov neeg uas yuav tau thiv tauj yog thaum muaj kev txhawj xeeb;
- muab caij nyoog rau cov neeg ua haujlwm pab dawb kom lawv tau qhia txog lawv txoj kev pab lossis lawv cov tswv yim; thiab
- ua tsaug rau peb cov neeg ua haujlwm pab dawb thiab lawv tej kev pab rau peb cov tsev kawm ntawv.



Ua Tsaug!

Ua Tus Neeg Pab



Muaj ntau kauj raum hais txoj kev uas yuav ua ib tug neeg ua haujlwm pab dawb.

1. **Nrhiav chaw ua haujlwm.** Koj saib tau thiab cu npe rau cov haujlwm qhib yog koj mus rau peb qhov website ntawm www.wausau.k12.wi.us, nyem/nias ntawm qhov uas sau “Volunteer Now” ces xaiv lub tsev kawm ntawv uas koj xav mus ua haujlwm pab rau. Koj tiv tauj Roxane Hagedorn, Volunteer & Community Involvement Coordinator ntawm rhagedor@ausau.k12.wi.us lossis hu 261.0584.
2. **Fiaj daim ntawv volunteer profile uas yog rau cov neeg ua haujlwm pab dawb.** Txhua tus neeg ua haujlwm pab dawb yuav tsum tau fiaj daim ntawv no. Thaum koj mus saib cov haujlwm qhib nyob hauv computer, koj fiaj daim ntawv no los tau. Koj tuaj nqa ib daim ntawv fiaj tom lub tsev kawm ntawv twg los tau, koj luam ib daim tawm los fiaj los tau los yog mam xa ib daim hauv computer rau koj los yeej tau yog tias koj tiv tauj rhagedor@ausau.k12.wi.us. Yuav tsum tau fiaj daim ntawv profile thiab tau lus tso cai ua ntej yuav pib ua haujlwm pab dawb.

Tej cov haujlwm pab dawb yuav xav paub txog keeb kwm yav dhau los vim kev xyuam xim rau peb cov tub ntxhais kawm ntawv. Kev sojntsuam xyuas keeb kwm yav dhau los siv sijhawm netv thiaj li yuav tiav. Yog vim li no, thiaj xav tau daim ntawv profile thiab daim ntawv qhia txog keeb kwm yav dhau los li 4 asthiv ua ntej thawj hnub yuav pib ua haujlwm pab dawb.

3. **Tos lus teb.** Tsev kawm ntawv tus neeg tiv tauj lossis tus Volunteer & Community Involvement Coordinator mam li tiv tauj koj txog lwm yam ntaub ntawv, lus tso cai thiab koj txoj haujlwm. Thaum twg koj tau haujlwm lawm, saib phaib ntawv uas muaj cov txheem txheem no thiab mus koom kev kawm txog koj txoj haujlwm kom koj thiaj li pib pab tau lwm tus!

Qhov khoom plig siab tshaj rau ib tug tib neeg txoj haujlwm tsis yog qhov nyiaj uas nws tau tiamsis yog qhov uas nws ua tau vim txoj haujlwm.

--John Ruskin

Neeg Ua Haujlwm Pab Dawb Cov Dej Num thiab Txheem Txheej

LUS TXWV

- **Yuav tsum txwv.** Menyuum tej dejnum thiab tus cwjpwv yog ib qho uas tsis pub qhia rau lwm tus. Qhia teeb meem rau cov neeg ua haujlwm lossis tus Volunteer thiab Community Involvement Coordinator xwb, **tsis txhob qhia rau lwm tus neeg ua haujlwm pab dawb, niamtxiv los yog lwm tus neeg nyob hauv zos.** Yog muaj neeg nug koj txog ib tug tub ntxhais kawm ntawv twg, teb lawv tias , *“Cov lus nug ko yog ib co uas qhia tsis tau. Thov txim, kuv yuav qhia tsis tau rau koj,”* lossis *“Thov nug tus menyuum tus nais khu.”*
- **Tiv thaiv cov lus txwv.** Tsis txhob nug kom menyuum muab lawv chaw nyob lossis xov tooj. Tsis txhob qhia koj chaw nyob lossis xov tooj rau menyuum.

KEV NYAB XEEB

- **Kev sau npe thaum nkag thiab tawm hauv tsev kawm ntawv tom hoob kas.** Qhia rau cov neeg ua haujlwm tom hoob kas paub tias koj tuaj ua haujlwm pab dawb kom lawv thiaj paub qhia koj seb yuav mus rau hoob twg. Yog koj nyiam, koj mus saib koj cov xub moo ua haujlwm pab dawb hauv computer tau.
- **Coj daim ntawv uas qhia tias yog “tus qhua”.** Tag nrho cov tsev kawm ntawv puav leej muaj ntawv rau koj sau npe tom hoob kas.
- **Nco ntsoov xav txog kev “nyab xeeb ua ntej”.** Nco ntsoov cia kom yus pom menyuum txhua lub caij. Nws tseem ceeb heev uas yuav tsum tau saib ntsoov txog kev nyab xeeb rau menyuum thaum muaj ib pab coob coob. Thaum muaj ib pab menyuum tsawg tsawg, qhib qhov rooj cia zoo dua thiab yog muaj lwm tus neeg laus pab ham yam zoo.
- **Qhia cov neeg ua haujlwm yog muaj teeb meem.** Qhov no hais txog kev qhua qhia, kev ua saib tsis tau lwm tus neeg, kev huam yuaj nrog ntshav lossis yog ib tug menyuum qhia txog teeb meem uas lwm tus ntaus /tsim txom nws. Cov neeg ua haujlwm mam li sojntsuam xyuas.
- **Ua raws li cov kev tawm tswv yim rau kev “chwv menyuum”.** Cov neeg ua haujlwm pab dawb chwv tau menyuum yog menyuum xub chwv lawv thiab yuav tau hwm menyuum lo lus “tsis kam”. Cov neeg ua haujlwm pab dawb nug tau menyuum seb lawv puas yuav kam tuav teb lossis ntau tes.
- **Tsis txhob thauj tub ntxhais kawm ntawv hauv yus lub tsheb.** Txwv tsis pub cov neeg ua haujlwm pab dawb thauj tub ntxhais kawm ntawv. Yog niamtxiv tuaj tos menyuum lig, qhia rau cov neeg ua haujlwm hauv tsev kawm ntawv paub, lawv mam li hu xov tooj rau niamtxiv lossis tus neeg saib xyuas.

HWM

➤ **Hwm menyuam kev txawv.** Qhov no hais txog kab ke haiv neeg, kev ntseeg thiab caj ces. Tsis txhob xav tias txhua tus menyuam yuav npaj ua kev zoo siab rau cov hnuv so xws li (hnuv yug Yes Xus, hnuv Yes Xus sawv rov los, dab hnuv lossis cov hnuv yug). Xyaum hais menyuam cov npe kom thwj yog cov npe txawv txawv.

➤ **Kev hu cov neeg laus.** Tub ntxhais kawm ntawv yuav hu koj uas Mr., Ms., Mrs. lossis Miss nrog rau koj lub xeem. Thaum nyob nrog cov tub ntxhais kawm ntawv, cov neeg ua haujlwm yuav hu koj raws li ntawd. Thov hu txhua tus neeg laus li no kom sawv daws sib hu ib yam ua qauv rau cov menyuam.

➤ **Tsis txhob nqa khoom plig/khoom noj rau qee tus tub ntxhais kawm ntawv.** Yog tau kev tso cai los ntawm cov neeg ua haujlwm, cov neeg ua haujlwm pab dawb mam li nqa khoom noj tuaj rau tag nrho cov nyob hauv hoob (cia rau tus neeg ua haujlwm mam faib thaum sijhawm zoo).

➤ **Menyuam kev kawm tsis sib xws.** Menyua kev kawm tsis zoo ib yam; ib txhia kawm tau thaum lawv kov thiab xyaum, ib txhia nug thaum lawv tsis totaub, ib txhia ua raws li lawv txoj kev xav thiab ib txhia ua raws li qhov uas lawv tau ua yav dhau los. Nco ntsoov tias yog koj nug cov lus thwj, menyua yuav nrhiav tau cov lus teb rau lawv cov lus nug. Tsis txhob cia li muab cov lus teb rau lawv vim yuav ua rau lawv yuav kev. Qhov no yog koj lub caij nyoog uas koj qhia rau lawv tias koj totaub lawv thiab qhia rau lawv txog txoj kev kawm. Qhuas thiab siv lus zoo rau thaum lawv ua tau zoo thiab coj tau tus cwj pwm zoo.

➤ **Hnav khaubncaws kom zoo.** Cov neeg ua haujlwm pab dawb hnav khaubncaws kom xis cev los tau tiamsis nco tias yus yog ib tug qauv. Khaubncaws yuav tsum tsis txhob cuam tshuam txog kev kawm. Thov tsis txhob ntoo kaus mom, hnav cov tsho uas muaj lub khwb taub hau, ntoo phuam lossis looj tsum iav dub hauv tsev kawm ntawv. Txwv tsis pub hnav khaubncaws uas muaj duab lossis lus phem thiab tsis zoo xws li kev ntsub ntxaug. Txwv tsis pub hnav cov tsho uas tsis npog nraub qaum, cov tsho uas tsis muaj hlua thiab cov khaubncaws uas tsis npog tas ib ce.

KEV SIB TXUAS LUS

➤ **Ntaub Ntawv.** Thov fiaj thiab xyuas kom txhua yam ntaub ntawv tiav (txawm yog hauv computer lossis cov ntawv fiaj). Txhua tus neeg ua haujlwm pab dawb yuav tsum tau fiaj cov ntaub ntawv uas yog rau cov neeg ua haujlwm pab dawb. Tej zaum tej cov haujlwm pab dawb yuav xav tau cov ntaub ntawv txog keeb kwm yav dhau los thiab kev kawm txog dej num.

➤ **Yog muaj lus nug, nug thiab sib qhia tswv yim.** Tsis txhob ua siab deb, hu, sau ntawv tseg lossis teem cai nrog tus AmeriCorps VISTA lossis tus neeg ua haujlwm hauv tsev kawm ntawv tham yog koj muaj teeb meem, lus nug lossis tswv yim uas koj xav tham. Thov qhia rau cov neeg ua haujlwm paub yog muaj tej yam uas koj tsis totaub ntawm koj txoj haujlwm.

➤ **Tuaj raws sijhawm thiab kom tau kev vam.** Yog ua tau, kho koj cov sijhawm uas koj khoom tuaj pab rau hauv computer lossis hu rau cov neeg ua haujlwm ib hnub ua ntej yog thaum koj mus ua tsis tau koj txoj haujlwm li tau teev tseg. Cov nais khu thiab cov tub ntxhais kawm ntawv vam txog koj thiab tos txais koj.

Thiab tsis txhob hnov qab txog kev...

Npaj lub ntse muag luag ntxhi...

Ua siab ntev...

Hloov yus tus kheej kom ua tau tus neeg yooj yim...

Ua ib tug qauv zoo...

**MUAJ KEV LOM ZEM...thiab rau siab
kawm!**

Tswv Yim Rau Kev Ua Haujlwm Nrog Menyuum Yaus

Yog koj muaj kev lom zem, lawv yuav muaj thiab!

Coj tus cwjpw zoo thiab nyiam phooj ywg.

Mloog thiab qhia rau lawv paub tias koj xav paub txoj lawv tus kheej.

Paub thiab hu thiab sau lawv tej npe kom thwj.

Yog yuav txhawb nqa ib tug menyuum, siv lus zoo.

Qhia rau lawv paub tias tsis ua li cas yog lawv yuav kev lawm. Nws yog ib feem ntawm txoj kev kawm!



Yog koj tsis paub cov lus teb, lees zoo zoo xwb. Ces nrhiav tswv yim uake lossis nug tus nais khu.

Ua kom lwm tus cia siab rau koj.

Nco txog kev tso dab ros.

Tsis txhob cog tej lus uas yus yuav ua tsis tau.

Txhawb kom menyuum siv lawv cov tswv yim thiab muab sijhawm rau lawv teb.

Menyuum txoj kev kawm tsis zoo sib xws. Totaub thiab khaw cov kev txawv ntawd.



Lus Nug thiab Lus Teb Los Ntawm Cov Neeg Ua Haujlwm Pab Dawb

✓ **Kuv yuav pab pes tsawg xub moo?**

Peb tos txais txhua xub moo uas koj pub tau. Kev ua haujlwm pab dawb tsis txhais hais tias koj yuav tsum tau pab txhua hnuv lossis ib hnuv nkaus. Peb yeej zoo siab rau txhua xub moo thiab txhua txoj kev cog lus ntawm koj.

✓ **Puas muaj chaw rau kuv cia kuv lub tso/tej khoom?**

Koj cia tau khoom rau hauv tsev kawm ntawv lub hoob kas lossis nqa nrog koj. Tsev kawm ntawv yuav tsis lav paub txog tej khoom xiam thiab/los yog puas.

✓ **Cov chaw dej rau cov neeg laus siv nyob rau qhov twg?**

Muaj ntau lub chaw siv dej rau cov neeg ua haujlwm tom txhua lub tsev kawm ntawv. Thov nug cov neeg ua haujlwm hauv tsev kawm ntawv seb nyob qhov twg.

✓ **Ua li cas kuv thiaj yuav paub hais tias tsev kawm ntawv kaw lawm?**

Yog thaum twg tsis kawm ntawv lossis yuav lawb ntawv ntxov vim huab cua tsis zoo lossis muaj lwm yam teeb meem, tsev kawm ntawv yuav tshaj tawm rau cov chaw xav xov xwm raws li nram no:

WAOW-Channel 9

WSAW-Channel 7

Wausau Daily Herald

WDEZ 101.9 FM

WIFC 95.5 FM

WIZD 99.9 FM

WMZK 104.1 FM

WOFM 94.7 FM

WSPT 97.9 FM

WJMT 730 AM

WRIG 1390 AM

WSAU 550 AM

WSPT 1010 AM

WXCO 1230 AM

✓ **Kuv yuav ua li cas yog ib tug menyuam tsis mloog lus lossis cuam tshuam kev kawm?**

Nrog tsev kawm ntawv tus neeg uas koj ua haujlwm nrog tham lossis lwm tus neeg ua haujlwm. Cov neeg ua haujlwm pab dawb yuav tsum tau tswj tub ntxhais kawm ntawv thiab qhia cov neeg ua haujlwm yog muaj teeb meem loj.

✓ **Kuv yuav puas tau su tom tsev kawm ntawv noj?**

Cov neeg ua haujlwm pab dawb yuav tau su thaum lawv ua haujlwm pab tiamsis yuav tau them tus nqi uas cov neeg laus them. Nrog lub hoob kas tham sai li sai tau txog kev yuav zaub mov thiab tus nqi. Thov nco tias feem ntau cov tsev kawm ntawv xav paub seb pes tsawg leej yuav noj su ua ntej 9:00 a.m. txhua hnuv.

✓ **Kuv mus puas tau hauv cov neeg ua haujlwm hoob so/noj su?**

Cov chaw so lossis chaw noj su yog rau cov neeg ua haujlwm xwb.

✓ **Kuv yuav ua li cas yog thaum muaj kev kawm txog kev tiv thaiv yus tus kheej thaum muaj teeb meem hauv tsev kawm ntawv?**

Cov neeg ua haujlwm pab dawb yuav tsum tau koom cov kev kawm khiav yog thaum muaj teeb meem rau tsev kawm ntawv. Thov ua raws li tsev kawm ntawv tus neeg ua haujlwm uas koj ua haujlwm nrog txib.

✓ **Puas muaj chaw hau luam yeeb nyob qhov twg ntawm tsev kawm ntawv ib cheeb tsam?**

Txwv tsis pub haus luam yeeb nyob ze tsev kawm ntawv. Txwv tsis pub haus hauv koj lub tsheb uas nyob nraum qhov chaw nres tsheb thiab.

Xov Tooj Tseem Ceeb

Roxane Hagedorn, Volunteer & Community Involvement Coordinator 261.0584

Tsev Kawm Ntawv Qeb Pib

A.C. Kiefer Educational Center.....	261.0265
Franklin Elementary School.....	261.0000
G.D. Jones Elementary School.....	261.0950
Grant Elementary School.....	261.0190
Hawthorn Hills Elementary School.....	261.0045
Hewitt-Texas Elementary School.....	261.0015
John Marshall Elementary School.....	261.0060
Lincoln Elementary School.....	261.0965
Maine Elementary School.....	261.0250
Rib Mountain Elementary School.....	261.0220
Riverview Elementary School.....	261.0030
South Mountain Elementary School.....	261.0235
Stettin Elementary School.....	261.0205
Thomas Jefferson Elementary School.....	261.0175
Wausau Area Montessori Charter School.....	261.0795

Tsev Kawm Ntawv Qeb Xya Txog Qeb Yim

Horace Mann Middle School.....	261.0725
John Muir Middle School.....	261.0100
New Horizons Charter School.....	261.0060

Tsev Kawm Ntawv Qeb Cuaj Txog Qeb Kaum Ob

Wausau East High School.....	261.0650
Wausau West High School.....	261.0850
Enrich, Excel, Achieve Learning Academy (EEA).....	261.2490

***IB tug neeg ua haujlwm pab dawb...IB xub moo...IB hnuv...
hloov tau ib tug menyuam lub neej.***

